

M014: Priester Arnold: 'Loblied a.d. hl. Geist' ('Von der Siebenzahl')

- 0,1 ANtiquis in temporibus .
0,2 dov chom der sp-s sc-s .
0,3 in specie columbe .
0,4 in einer tuben pilde .
0,5 uon himele n algrith .
0,6 ze der lute gesiht .
0,7 die dere christenheit ueriahen .
0,8 same scule wir in noch taugenlich enphahen .
0,9 So wir des h'e lovben ueriehen
0,10 dohc wir sin mit den augen niene sehen .
0,11 Er wont iedoch mitsamet uns
0,12 in namen des uater unt des suns .
0,13 unt des heiligen gaistes .
0,14 peginne wir dizes liedes .
0,15 Wie meht ich herre trehtin .
0,16 weare mir daz haupt erin
0,17 stalin diu zunge .
0,18 die grozen mandunge
0,19 iemer uure bringen .
0,20 ze sagen oder gesingen .
0,21 des uon dir gescriben ist .
0,22 so mancfalt so du bist .
0,23 iz ne si daz ihc genize
0,24 dov si scolten pridegen daz du siu hieze .
0,25 uf tun uil unuorhtente den munt .
0,26 der heilige geist tet in die rede chunt .
0,27 daz si weren unbescolten .
0,28 sua si reden wolten .
0,29 daz wil ihc gedingen .
0,30 unz ihc langest welle sagen oder singen;
0,31 Wol du heiliger geist .
0,32 du ubel unte gut weist
0,33 nehein gedanch ist so chesiene .
0,34 du ne wizest in eine .
0,35 suas so wir getun ze govte .
0,36 daz sentest du uns ze muote .

0,37 wante du warlichen pist .
0,38 scrutator cordis .
0,39 unt elieu herze hast gescafen .
0,40 uon diu sint si dir offen .
0,41 so sprichet der psalmista .
0,42 "cor mundu- crea .
0,43 reinez herze scefe du trehten in mir .
0,44 daz ihc geture uone dir .
0,45 sagen unte singen
0,46 dise rede pringen .
0,47 mit diner uolleist .
0,48 ze lobe deme heiligen geiste;"
0,49 Nu wil ihc iu sagen z allererist .
0,50 uon einer zale diu uil her ist
0,51 der heilige geist .
0,52 des enphahe wir allermeist .
0,53 da wir werden getaufet .
0,54 unte man uns triten stunt pesaufet .
0,55 dohc wir einiz da horen nennen .
0,56 wir sculen driu pechennen .
0,57 daz wazzer sehent diu augen .
0,58 so wonent dr inne taugen .
0,59 pater et filius
0,60 iouhc der sp-s sc-s
0,61 so lazen wir in der unde
0,62 des herren adames sunde .
0,63 iemer peliben .
0,64 unte zehiwen zov den seben wiben .
0,65 die uon deme heiligen geist sint zesceiden .
0,66 so werde wir cristen die der e waren heiden .
0,67 Nu wil ihc iu sagen ze gedute .
0,68 weleh sin die siben prute .
0,69 die wir in allen gahen .
0,70 in der tauf enphaen .
0,71 iouhc die septem dona .
0,72 die phae wir auch da
0,73 daz sint die siben sinne .
0,74 der christenliehen minne
0,75 suie witen er geueredet si .
0,76 wir geloben iedoh die namen dri
0,77 eine ware gotheith
0,78 iemer an unmuze unte an arbeit .
0,79 Uon den puchen wirt uns anscin .
0,80 welehz die siben gebe sin .
0,81 dannen wir etelich horen scriben .
0,82 ebenmazen den wiben .
0,83 alsam der man unt daz wip .
0,84 peidiu sint ein lip .

0,85 also ist uber die sele der geist .
0,86 aller prutegaum meist
0,87 iouch der beider chint .
0,88 der lichenam govtu werich sint .
0,89 so habe wir uns zov gote gemishet .
0,90 ube der heilige geist uone sunden da niet erlischet .
0,91 Nu wil ihc iu sagen sa
0,92 geheizzen ist sapiencia
0,93 diu allererist gebe .
0,94 die ein iegelich menische habe
0,95 uon deme heiligen geiste enfanen .
0,96 da mite scule wir langen .
0,97 an den abrahames paren .
0,98 da ne mac uns der tot niuth getarn .
0,99 noch nehein slath arbeit .
0,100 so pringet uns diu wisheit .
0,101 zuo den tugenten so mangualten .
0,102 da ne muge wir alten .
0,103 daz git uns got ze lone .
0,104 da lebe wir mit den engelen scone .
0,105 So ist diu ander gebe sus
0,106 geheizen intellectus .
0,107 die wir uon deme heiligen geiste sculen haben .
0,108 suas so wir govtes uernemen oder uersten
0,109 daz scul wir preiten unte meren .
0,110 unser tumpern leren .
0,111 so muge wir wol gedingen .
0,112 suan wir daz wovcher ze mingest uure bringen;
0,113 So ist daz dritte donu- .
0,114 geheizen consiliu-
0,115 so iz an den povchen gescriben stat .
0,116 in unser zungen chut iz rath .
0,117 ware wir den guten .
0,118 daz wir einander rieten .
0,119 mit truien ioch mit warheit .
0,120 so ne ware diu heidinschaft so breit .
0,121 noch so manic sele en noten .
0,122 ia scuf got mit rate .
0,123 nah sineme pilde den man .
0,124 der elliū dinc wol chan .
0,125 [...] [...] ein piceichen
0,126 er wolte . sich iedoch pesprechen .
0,127 mit den nideroren graden .
0,128 die gebe git uns der heilige geist uon sin genaden .
0,129 So ist diu uierde gebe so .
0,130 geheizen fortitudo .
0,131 iz chut uile rehte sterche
0,132 daz muge wir pi den martereren merchen .

0,133 die stunten uor den uursten .
0,134 mit michelen getursten .
0,135 si ne uorten uiur noch daz suerth .
0,136 si ne redeten daz gotes warth .
0,137 die piteren chole .
0,138 si woshen ire stole .
0,139 mit des lampes plovte .
0,140 dov starhte siu got der govte .
0,141 mit sineme heiligen geiste .
0,142 in aller wise meiste .
0,143 muz er ouch uns pescirmen .
0,144 mennisch armen
0,145 uor aller slahte leide .
0,146 unze diu sele uon deme lichenname sceide;
0,147 So ist diu uunfte gebe sa .
0,148 geheizen sciencia .
0,149 daz chut chunst ze dute .
0,150 unte manet uns tumpen lute .
0,151 daz wir leren wistum .
0,152 ane werltlichen rovm .
0,153 durft ist guter liste .
0,154 sua wir dienen christe .
0,155 der tieuel ist so manicualt .
0,156 unte hat unsere sunde gezalt .
0,157 in sine priue gerihtet .
0,158 der wider unsih uihtet .
0,159 mit uiuren stralen .
0,160 so peuware der heilige geist aMEN .
0,161 Nu scule wir uernemen da pi .
0,162 welehez diu sehste gebe si .
0,163 ze ware sagen ich iu daz .
0,164 geheizen ist siu pietas .
0,165 daz chut uile rehte gute .
0,166 daz uns got pehovtte .
0,167 mit sineme heligeme geiste .
0,168 unsihc uellet allermeiste .
0,169 diu starche girde unt der nith
0,170 wir ne becheren unsich enzith .
0,171 uon der ubermwote .
0,172 mit milte iouch mit gute .
0,173 die manigen meineide
0,174 werdent der sele ze leide .
0,175 si mwzen dr umbe prinnen .
0,176 wir scolten einander minnen .
0,177 mit pruoderlichen triuen .
0,178 Diu sibente gebe da pi .
0,179 heizet timor dn-i .
0,180 daz chut gotes uorhte .

0,181 der himel unt erde warhte .
0,182 daz an niuuet stat .
0,183 war de iz sin gewalt nepore hat .
0,184 daz da nzewischen ist peungen .
0,185 daz ne hat niwet ubergangen .
0,186 des ime sin meister geboth .
0,187 deu helle uorht in durech not .
0,188 wante die zua geshefte .
0,189 die got mit siner cherefte .
0,190 scovf nah sines libes pilde .
0,191 zwene . sperlinge . wilde .
0,192 die ne mach nimen geuellen .
0,193 so wir die povch horen zellen
0,194 iz ne welle got uerdulten .
0,195 wir werden paz pehalten .
0,196 uor aller slahte noten .
0,197 want uns die engele uone himele sculn pehovtten;
0,198 Got uerlech uns zwene geiste .
0,199 under den siben allermeiste .
0,200 daz wir mit govten listen .
0,201 got minnen unt unseren nahisten .
0,202 swa wir daz zeprechen
0,203 wir durfen niht sprechen .
0,204 daz wir gotes pot reuullen .
0,205 suederen wir minnen wellen .
0,206 den anderen hazzen ane not .
0,207 di minne bede sint tot .
0,208 so stet iz an der gotes e
0,209 wir ne pirn pfecti in caritate .
0,210 Die zueluepoten chomen nein
0,211 da in der gotes sun ershein .
0,212 nah siner urstende .
0,213 ceigte in uovze unde hente
0,214 daz si dester baz erchanten .
0,215 daz er uon deme tode waz erstanten
0,216 an den selben stunden .
0,217 er plis uz sineme munde .
0,218 den heiligen geist in siu .
0,219 einen grozen gewalt er in uerlie .
0,220 sueme si ire sunde wolden uergeben .
0,221 si hizen in provderlichen leben
0,222 daz scolte wir noch pehovten .
0,223 sam si dov taten
0,224 mit provderlichen minnen
0,225 so maht wir gesinnen .
0,226 daz wir niene werden gesceiden .
0,227 da got sunderet die lieben uon den lieden .
0,228 Got durech sine govte

0,229 auer dov samenote
0,230 mit einualtigen muovte
0,231 die zuelefpoten govte .
0,232 zov iersl'm in ein sal
0,233 der helige geist chom uber siu al .
0,234 gelich in eineme uiure .
0,235 si lobeten uile tiure
0,236 den himelischen chunich eine .
0,237 ir gebet daz was reine
0,238 die der christelichen wolten leben .
0,239 den warth der zueier geiste einer da geben .
0,240 In den tugenten allermeist .
0,241 der got die sine iungere wiste .
0,242 lert er siu pat-n-r .
0,243 in siben gebe ist er
0,244 uil rehte geteilet
0,245 mit den uiern wirt der lichenam geheilet .
0,246 mit den anderen drin diu sele .
0,247 waz pedurfe wir gebe mere .
0,248 so sprichet unser herre da pi .
0,249 nolite multu- loqi
0,250 die rede wil ich iu zelosen .
0,251 ir ne scult niht uile chosen .
0,252 sam ethnici taten .
0,253 die uile lute baten
0,254 unte wanten daz siu got dester baz uername .
0,255 ire gebe was deme heiligen geiste nith gezeme;
0,256 Iohannes apl's .
0,257 ia wart er translatus
0,258 zov den himelen uon der erde .
0,259 da sah der govte werde .
0,260 also geistlichen
0,261 uile manegiu wunter unde zeichen .
0,262 ein povch lac da peslozzen .
0,263 ia wolte er gerne wizen
0,264 waz dr ane gescriben ware .
0,265 der engel sagete ime mare .
0,266 "du scolt iz ligen lazen
0,267 got selbe wil iz ensliezen .
0,268 al daz stat gescriben da
0,269 & apire signacula ."
0,270 Iohannes euangl'a .
0,271 scribet uone xp-e .
0,272 unde uon deme heiligen geiste .
0,273 uz den himelen allermeiste
0,274 er sagete uns urchunde
0,275 wie er siben insigele funde .
0,276 die wolt er gerne enslizen

0,277 der engel ne liez en .
0,278 des was der herre en sorgen .
0,279 er uorhte daz dr inne ware uerborgen .
0,280 daz got minnisce wolth uertiligen
0,281 want unser uordere- wilē .
0,282 uermanten sin gebot .
0,283 du isrl' worhten ir apgot .
0,284 uz ere gegozzen .
0,285 sit wrden diu siben insigele ensloze-
0,286 uns allen ze troste .
0,287 du got sine hantgetat erlostē .
0,288 Nu ist uns getan ze wizzen .
0,289 wie diu siben insigele wrden enslozen .
0,290 die got hie n erde worhte
0,291 durech siner chinde uorhte
0,292 chunde wart er z erist .
0,293 einer magde allerheriste .
0,294 die potescaft warf der angl's .
0,295 dov wart er incarnatcon .
0,296 Iohannes in dov tovfte .
0,297 iudas in uercovfte .
0,298 an dac cruce wart rehangen
0,299 dvo waren uier zeichen ergangen .
0,300 beuolehen wart er der erde .
0,301 an deme tritten tage restund er werde
0,302 dov uber er in sines uater lant
0,303 sider sant uns der heilant .
0,304 den heiligen geist ze troste .
0,305 wie tiuere er unsihc dov an der stunte erlostē;
0,306 Nu uernemet waz ihc iuch lere .
0,307 eine zeale diu ist uil here
0,308 die man siben nennet .
0,309 so astronomia wirt erchennet
0,310 sibene sint der himele .
0,311 unte laufent dar nebene .
0,312 sternē sibene liehte .
0,313 die got scovf uon niehte
0,314 nah sines selbes willen .
0,315 die ander stent alle stille .
0,316 ob der wolchen chrefte .
0,317 der wint uuret dei wazzer en lufte .
0,318 arcus treit den brunnen .
0,319 unte lubhtent uns siben sunnen .
0,320 diu maninne scinet werde .
0,321 unt ist preiter denne diu erde .
0,322 diu wantelet sich doch sibenstunt .
0,323 daz ist uns allen wole chunt .
0,324 siben tage sint in der wochen

0,325 diu zale ne wirt nimer zebrochen;
0,326 Ihc sage iu waz daz meinete .
0,327 daz diu maninne cherump wirt unde cheleine .
0,328 also si an daz niu gat .
0,329 unte iewederenhalben ein horn hat .
0,330 so nahet ire der sunne
0,331 unte peninet ire scin unte wunne
0,332 si n ist also berht niht
0,333 ir beneme der sunne daz lieht .
0,334 pe des er sie mac gereichen .
0,335 da muge wir zewei zeichen .
0,336 merchen pi den hornen .
0,337 diu chindelin niugebornen .
0,338 pildet si an der cheleine
0,339 daz ne tunt endereu signa neheiniu;
0,340 Nu werdent aue sunter .
0,341 ceichen unde wunter .
0,342 diu maninne welzet umbe
0,343 die wir e sahen tunchel unte chrumbe .
0,344 unte wicket uon deme sunnen
0,345 dannen ire des scines was zerunnen . alsam
0,346 si die himele triben
0,347 unze si wirt z einer alben sciben .
0,348 daz ist daz tritte ceichen
0,349 daz mage wir auer gelichen .
0,350 in mennischis chrefte .
0,351 suen er halp chrefte .
0,352 wiset an deme libe .
0,353 daz pezeichnenet diu maninne iovch diu scibe;
0,354 Diu maninne wahset aue sa .
0,355 unze si wirt plena & rotunda .
0,356 z einer uollen schiben
0,357 nu laze wir peliben .
0,358 die tifen rede dare .
0,359 wir ne mugen iz allez pscrutari .
0,360 so uerre durechgrunten .
0,361 da wirdet ze den uierden stunden .
0,362 ein zeichen nah mineme sinne .
0,363 uon der maninne
0,364 auch mege wir diu zeichen .
0,365 mennicken gelichen .
0,366 sunne er in der iugente .
0,367 wirt in al tugente .
0,368 wehsit z einme ganzen manne
0,369 so nimet er abe danne .
0,370 ie mere unze an sin ente
0,371 daz machent uns die sunte .
0,372 Die diu maninne suintet .

0,373 da si wider deme sunnen wintet .
0,374 si ne gat niht ze sede .
0,375 an deme niu noch an deme wedele .
0,376 unt ne wirt miner movde .
0,377 daz pewaer ich an deme liede
0,378 da uovret sie diu gotes charaft
0,379 sich uerwandelet aue diu ir geschafth
0,380 z einer alben sciben .
0,381 so beginnet si auer leiben
0,382 unze die drizich tage ergent .
0,383 daz ist daz uovnfte ceichen;
0,384 Dunt erunt signa
0,385 ceichen werdent auer sa .
0,386 an der maninne .
0,387 unte an deme scine dar inne
0,388 chrump wirt si unte smal .
0,389 diu e was sinewel sam ein pal .
0,390 ceichen tuot si in einme horne
0,391 alsam e da uorne .
0,392 dov si z erist an daz nu gie .
0,393 diu selben ceichen siht man hie .
0,394 e der manot erge .
0,395 siben ceichen tovt si e .
0,396 also ir mich hortet nennen
0,397 da muget ir pi bechennen
0,398 menniscis tugente .
0,399 ia wirt dich in alter sam in iugente;
0,400 Dnsich ne haben die magi petrogen .
0,401 der sunne laufet den pogen .
0,402 diu maninne die senewen
0,403 daz mazent si an den himelen
0,404 der sunne gat die chrumpe
0,405 diu maninne chumet umbe .
0,406 in einleuen tagen . e
0,407 der terminus geste
0,408 ze dere selben iares uriste .
0,409 daz uunden si mit listen .
0,410 der sunne sumet sihc unter diu
0,411 der movz sineme cursu .
0,412 zewelf ceichen durechgan
0,413 in der igelicheme stan .
0,414 zua wile oder dri .
0,415 daz uunten astronomii
0,416 er chom unze an daz trum .
0,417 sol in aquariu- .
0,418 so chumet uil schire after des
0,419 sol in pisces .
0,420 er chumet unze an daz trum

0,421 sol in thauru- .
0,422 so chumet gezale so daz gescoz .
0,423 sol in geminos .
0,424 er chumet unze an daz tru- .
0,425 sol in cancru- .
0,426 so chumet aue nah deme
0,427 sol in leone- .
0,428 so chumet auer nah deme
0,429 sol in uirgine- .
0,430 so chumet danne uile uram .
0,431 sol in libra- .
0,432 so chumet auer nah deme
0,433 sol in scorpione- .
0,434 er chumet unze an daz trum .
0,435 sol in sagitariu- .
0,436 so chumet ze alleriungest an daz trum .
0,437 sol in capicorniu- .
0,438 wie mahte wir daz raten .
0,439 uone wanne daz allez ist computatu- .
0,440 die philosophi daz iar uunten
0,441 in wilen unte stunten
0,442 manoten unt en wochen .
0,443 daz han ihc allez argumentando gesprovchen .
0,444 Von der maninne
0,445 zencheh tusent mile
0,446 unte sehse unte zewinzihc
0,447 dar zov tusint zewire
0,448 sam uile dannen
0,449 hin ovf zov dere sunnen .
0,450 drie stunte sammange aue sa .
0,451 habent duodecim signa .
0,452 dar unter stat microsumcon .
0,453 die maze uant pitagoras .
0,454 menigu wunter da pi .
0,455 uile sagacis ingenii .
0,456 Got scovf den sunnen .
0,457 deme tage ze mandunge .
0,458 unte die maninne da pi .
0,459 ut pisset nocti .
0,460 daz si licht pere .
0,461 dere naht uore ware .
0,462 scovf sternen da zov .
0,463 die laufent spate unte urov .
0,464 daz sint siben zeichen .
0,465 diu sich alzan wegent unte leichent .
0,466 doch unsihc dunchen stille .
0,467 tamquam cintille .
0,468 peidiu wile unte stunte .

0,469 in arundineto discurrunt .
0,470 Du septiformis .
0,471 seben pilde du pist .
0,472 herro in diner gotheit .
0,473 din gewalt ist michel unte breit .
0,474 der chrisma iovhc daz oleu- .
0,475 beceichenent den spm- sc-m .
0,476 da mit er uns den heiligen gaist uerlihet .
0,477 da werdent auh alle cheisere mit gewihet .
0,478 da wart auh adam mit pestrichen .
0,479 dov lucifer het peswichen .
0,480 dov er ubergie die gotes e
0,481 dov phing er oleu- mi-e .
0,482 mit deme oleo wart er rebarmer .
0,483 da wirdet diu christenheit mit geuirniet .
0,484 elliu goteshus pestiftet .
0,485 nunnan unte muniche . ze gotes tienste gerihet;
0,486 So uinde wir auer gescriben da
0,487 wie iohannes wihte in asia .
0,488 septe- eccli-as
0,489 den heiligen geist peceichent noch daz .
0,490 an den selben povchen
0,491 wolte wir z witen sovchen .
0,492 so uunten iz die phafen .
0,493 daz ein iegelich menniske pi sibenen ist gescafen;
0,494 Nu scul wir nien erwinten .
0,495 e wir unterbinten .
0,496 die rede disen lovten .
0,497 allegorice geduten .
0,498 so daz wip wirt suanger .
0,499 so n ist niht langer .
0,500 der same uerboregen .
0,501 ware unze an den sibenten morgen
0,502 so uerwantelet got der govte .
0,503 den samen ze plovte .
0,504 uber siben tage so
0,505 wirt daz plovt caro .
0,506 dannen uber siben tage .
0,507 wahesset ader unte mage .
0,508 uber siben tage chumet iz auer n ein
0,509 so wehsset daz pein .
0,510 so schefphet danne der gotestrut .
0,511 uber siben tage die hut .
0,512 har unte nagele
0,513 uber tage sibene .
0,514 daz sint sehs wochen .
0,515 so ist der mennisk aller gescafen .
0,516 Nu wil ich iu sagen ze dute .

0,517 umbe siben alter der lute
0,518 dei nenne ihc iu sa .
0,519 daz ein ist infancia .
0,520 so ist daz ander auer sa .
0,521 geheizen puericia .
0,522 so ist daz tritte auer sa .
0,523 geheizen adolescencia .
0,524 so ist daz uierde auer sus .
0,525 geheizen iuuentus .
0,526 ze ware sagen ihc iu daz .
0,527 daz uunfte heizet etas .
0,528 so ist daz sehste auer sus .
0,529 geheizen senectcon .
0,530 ze ware sagen ich iu daz .
0,531 daz . decrepita etas .
0,532 ist daz sibente genennet .
0,533 da mit uns des liebes zerinnest;
0,534 Uon deme heiligen geiste .
0,535 habe wir siben liste .
0,536 also stat gescriben da .
0,537 daz ein ist gramatica .
0,538 so ist diu ander auer sa .
0,539 geheizen dialetica .
0,540 diu dritte heizet musica .
0,541 diu uierde rethorica .
0,542 so ist diu uiunfte auer sa .
0,543 geheizen aritmetica .
0,544 so ist diu sehste sa .
0,545 geheizen geometria .
0,546 sibente der liste frie .
0,547 uerleh uns got ze minnen .
0,548 die sint erwelt uz anderen den sennen .
0,550 Uir sculn iu anteuristen
0,551 uon den siben listen .
0,552 uile unterschiedelichen des .
0,553 umbe die septe- liberales artes .
0,554 daz eine ist der
0,555 gewizzenunte in den povchen .
0,556 der ander dar engegene .
0,557 der die warheit unte die lovge .
0,558 enzwischen den peiden .
0,559 mit geuovge chan pescheiden .
0,560 der dritte der mit chunste .
0,561 ein sanc wol chan gerihten .
0,562 der uierde deme des got kan .
0,563 daz er daz lanth reht wole chan .
0,564 al nah sinne willen .
0,565 der uiuenfte der chan zellen .

0,566 der sehte der chan uiezzzen .
0,567 unte hat sihc geulizzen .
0,568 der sibente mach kelirnen .
0,569 daz er chovset an den sternem .
0,570 uil menigiu zeichen pi der naht .
0,571 diu wunter manicslaht .
0,572 die uon den siben sinnen
0,573 der mennisk mach gewinnen .
0,574 Suanne daz chindelin wirt geboren .
0,575 so scal iz der uater wol bewaren
0,576 unze an den uuzigiste tach .
0,577 wante diu movter ne mach .
0,578 uor den ir noten .
0,579 daz chindelin pehovten
0,580 so grife danne diu muter der zov .
0,581 unte pewar iz spate unte urov .
0,582 diu siben iar mittalle .
0,583 daz iz in daz wazer niene ualle .
0,584 noch in deme uiure niene uerbrinne .
0,585 unz iz den heiligen geist gewinne .
0,586 ze siner e taufe .
0,587 unte e iz der tot pegriffe .
0,588 so scol der ewarth .
0,589 mit den gotes warten
0,590 sinen phareman pewarn .
0,591 daz ime der tiuel niene muge getarn .
0,592 nah der cherrine
0,593 umbe die schulde sine
0,594 die siben iar metalle .
0,595 daz er in daz unreht nine ualle .
0,596 noch in sunten niene uerbrinne .
0,597 suenne er gotes hulde gewinne;
0,598 Suer gotes so uerlaugenot .
0,599 daz er sineme ebenchristene tut den tot .
0,600 der hat sihc selben erslagen .
0,601 so wir dei povch horen sagen .
0,602 so scal er uil harte gahen .
0,603 uierzech tage enphaen .
0,604 mit der stole uon dem phafen .
0,605 alsam der mennische in uierzech tagen wirt gescafen
0,606 ze prote unte ze brunnen .
0,607 so ist er auer deme tiuel entrunnen .
0,608 ze ware sagen ihc iu daz
0,609 unte wirt lebentihc alsam er e was .
0,610 Nu uernemet ir wol ze gedute .
0,611 tumpen leige lute .
0,612 ir maget uile wol uerstanten .
0,613 dunchet iz iuhc nicht enplanten

0,614 suanne der man uihtet
0,615 sin waffen uf rihtet .
0,616 so cheret der manslech .
0,617 deme suerte daz ein ecke
0,618 uber sin selbes haupt .
0,619 so wirt diu sele ertaupit .
0,620 den lemtigen scal er uasten .
0,621 den toten lazen rasten .
0,622 im n ist dere uasten pornot .
0,623 er hat ime selben getan den tot;
0,624 Uuir werden siben stunte .
0,625 uon den sunten inpunten .
0,626 ob wir iz geuorderen so
0,627 z allererist in baptismo .
0,628 gantlazet wirt uns auer sa .
0,629 in sca- eucharistia .
0,630 so wirt diu sele uile uro .
0,631 dritten stunte in martirio .
0,632 daz reine almovsen .
0,633 scal unsihc ze deme uierden male erlovsen .
0,634 ze deme uunfte male diu uaste .
0,635 diu min ist allerbeste
0,636 die wir ze deme sehsten male scoln haben
0,637 ob wir siben stunte uergeben
0,638 unseren uianden
0,639 so werde wir relovset uon des tieueles panten .
0,640 Siben stunde gescahen
0,641 zeichen in al gagen
0,642 also unser herro wart geboren
0,643 dvo wart ze rome erchorn
0,644 ein chunich der wart genennet sus .
0,645 cesar augustus
0,646 der richsenote dvo .
0,647 gewelticlichen in toto mundo .
0,648 der chunich beceichenote
0,649 den alwaltigen got .
0,650 cheiser aller chunige
0,651 der des tages chom her n erde
0,652 unde hie richsen began .
0,653 unze er unsich alle gewan .
0,654 uz des tieuels gewalt .
0,655 sam e- uile dicke uns uore hat gezalt .
0,656 Der chunich got niene uorhte .
0,657 iedoch uride er worhte
0,658 in allen den richen .
0,659 so si niene gewnnen samelichen .
0,660 des siben tages chovm uns auer sa .
0,661 uon den himelen pax uera

0,662 aller uride beste .
0,663 mit deme heiligem christe .
0,664 des loben wir den dinen sun
0,665 qui fecit utq; unum .
0,666 An den selben stunden
0,667 die waren geungen . unde gebunden .
0,668 in charichaere gestozen .
0,669 die hiez der chunich lazen .
0,670 dvo hiez wrichen auer sa .
0,671 eine wage diu hiez dracma .
0,672 er gebot in pi deme halse .
0,673 daz si die imen geben ze zinse .
0,674 alle geliche .
0,675 die der waren in sinem riche .
0,676 diu dri fenige wach
0,677 dvo scah an deme selben tage .
0,678 daz uns got geuriete
0,679 uon uile micheleme strite .
0,680 gelaube wir die namen dri .
0,681 mit dem zinse pir wir uri .
0,682 ze deme ewigem liebe .
0,683 ia wart der chunich edele geboren uon eime weibe .
0,684 Cesar augustcon
0,685 dvo tet er auer sus .
0,686 uil wislichen
0,687 er uertrep uz sineme riche .
0,688 die ir herren waren strunnen .
0,689 den wolt er sines lantes niht gunnen .
0,690 die des niht wollten tun .
0,691 die hiz er alle haupten
0,692 an deme einin tage ze ware .
0,693 heiz er slahen mere .
0,694 denne drizech tusement liebe .
0,695 manne unte wibe .
0,696 die ire heimovte . niene mahten gereichen
0,697 daz was daz uierde ceichen .
0,698 daz sint noh die uerwarhten .
0,699 die got niene wellent uovrhten
0,700 noh ire scephere minnen
0,701 die sint ire herr entrunnen
0,702 an me iungisteme tage .
0,703 mit deme euuigeme slage .
0,704 slehet si got ze tode
0,705 mit liebe iovh mit sele .
0,706 in daz apgrunde
0,707 da wonnent si ieme an ende;
0,708 Des selben tages schein ein sterne .
0,709 daz sahen ungerne .

0,710 die iuden in deme lante
0,711 daz ceichen was in ante .
0,712 daz was gewisaget e .
0,713 dov chom lumen de lumine .
0,714 licht uon licht
0,715 got uon himele praht
0,716 uns daz ewige licht .
0,717 daz ne luhte e peuore nicht .
0,718 den die in dere uinster waren .
0,719 dov der mane iovh der sunne ir schinen uerbaren .
0,720 Nu saget uns der gute Matheus
0,721 wie ein guldin circulus .
0,722 alumpe uinge den sunnen .
0,723 dov diu maget den gotes sun hete gewonnen
0,724 der mit siner crefte .
0,725 umbe uehet alle gescefte .
0,726 in celo et in terra .
0,727 in deme apgrunde also uerre .
0,728 dov er die helle pesloz unte uf tete .
0,729 mundu- pugillo co-tinet;
0,730 Dov wart ein ceichen uile groz
0,731 durech die tiuer floz
0,732 mitten uber ein oleuaz .
0,733 daz uile manich ma- gesah
0,734 ze ware sagen ich iz iu
0,735 daz waren ceichen sibeniu .
0,736 diu in deme einme tage geschahen .
0,737 so romare iahen .
0,738 dov peceichenote daz oleu-
0,739 magnu- misteriu-
0,740 wie uns got allenthalben
0,741 die wnten wolte er salben .
0,742 mit sinme heiligen geiste
0,743 daz peceichenote daz oleum allermaiste .
0,744 Nu erteilent uns die canones .
0,745 septem generationes
0,746 unte cellent uon eineme rippe .
0,747 uile rehte siben sippe .
0,748 Matheus zelt uns da pi .
0,749 sex etates mundi .
0,750 dere werlt sehs altere .
0,751 in deme sibenten werde wir behalten .
0,752 ze deme ewigen liebe
0,753 da unsich in libro uite scribet .
0,754 Nu hore wir dei povch iehen .
0,755 wie eineme iegelichen mennicken scul geschehen .
0,756 ze sineme lebene
0,757 herzeleith sibene .

0,758 in deme sibenten leide .
0,759 scal er uon der werlte scheiden .
0,760 ze der eeuigen heimovte .
0,761 da uergizzet er siner note
0,762 daz sagen ich iu ze ware .
0,763 da dunchent tusent iare
0,764 nicht lengore . newar sam ein tach .
0,765 nehein aovge ne mach .
0,766 die genade durihcscauen
0,767 die wir da sculn puen
0,768 pesizzen unte niezen .
0,769 dannen der tiuel
0,769a durch sin ubermovt
0,769b in die helle wart pestozzen;
0,770 Uir prinnen in deme sibeten cite .
0,771 unte heichen ismahelite .
0,772 in tertia etate .
0,773 mit des herren abrahames rate .
0,774 wrte wir chint der diu
0,775 uon dane ne habe wir triu .
0,776 wir scolten heizen israhel
0,777 pehielte wir unser e
0,778 diu werlt ist chomen unze an daz trum
0,779 genus uipperaru- .
0,780 heize wir uil rehte .
0,781 wir pirn der uipperen geslehte;
0,782 Des herren abrahames sara .
0,783 diu was neunzich iare
0,784 e si chint gewunne .
0,785 pi deme ire manne .
0,786 ia laupt ime diu urove .
0,787 daz er slief pi siner diwe .
0,788 da pi gewan er ein chint
0,789 dannen hup sich diu cristenheit sint .
0,790 der engel sprach zov abrahame .
0,791 "din chovme sara
0,792 scol dir ein sun gebern .
0,793 des du nu uil lange pegundest gern ."
0,794 des uroveten si sich peidiu
0,795 si hiezen daz chindel unte die diu .
0,796 uz deme houe werfen .
0,797 "nu wir des chebessuns nicht pedurfen ."
0,798 also zelt uns daz lieht .
0,799 uon deme sune chumpt diu heidenise diet
0,800 die ebreiscen lute .
0,801 die gote waren trute .
0,802 unte der urauen saran .
0,803 hei wie manige werlt si sint gebaren;

0,804 Nu uernemet waz ich iuhc lere .
0,805 waz wirt deme manne mere .
0,806 al des er gewinnet
0,807 so ime des liedes zerinnet .
0,808 er ne habe ez hine uovre gesendet .
0,809 so ist iz wol gewendet .
0,810 da ne urizzet iz ime daz roht .
0,811 daz pehaltet ime got .
0,812 uor der milewen unte uor deme diebe
0,813 tut iz iuwer sele ze liebe
0,814 denchet an den chumftigen tot .
0,815 der iu alle tage nahoth .
0,816 mit micheleme zorne .
0,817 so pegegenet iu da uorne
0,818 got mit sinne lone .
0,819 in eterna mansione;
0,820 Nu lobe wir minen trehtin .
0,821 ioh den heiligen geist sin .
0,822 die namen alle drie .
0,823 sepcies in die
0,824 alle tage siben stunt .
0,825 lobet dich uil manich munt .
0,826 ze uespere iohc ze mettine .
0,827 scul wir spate unte urov sin .
0,828 ze gotes dieneste .
0,830 daz gepuet uns der psalmista dauid .
0,831 dov er machote die tagecit .
0,832 ze pime iohc ze tercié .
0,833 lobe wir gewisse .
0,834 ze sexte unt ze none .
0,835 so lobe wir dicke scone .
0,836 an der co-plete .
0,837 lobe wir dine gute .
0,838 so du uile wole wert pist .
0,839 laudate dn-m de celis .
0,840 Nu lobent dich auer sa .
0,841 sol et luna .
0,842 der sunne iohc diu maninne .
0,843 die sternen loben dich unter in
0,844 unte loben dich trehtin uberal .
0,845 peidiu perch unte tal .
0,846 holz unte staine .
0,847 loben diu trehtin eine .
0,848 unte al daz uf der erde ist .
0,849 laudate dn-m in excelsis .
0,850 Nu loben diu trehtin auer sa .
0,851 maria & flumina .
0,852 wazer unte prunnen .

0,853 unte loben diu alle zungen .
0,854 uuesce . unte uogelin .
0,855 loben diu herro trehtin .
0,856 loben diu diner chrefte .
0,857 alle die scehte .
0,858 daz lemtigis uf der erde ist .
0,859 laudate dn-m de celis .
0,860 Nu loben dich trehtin werde .
0,861 die himele iohc diu erde .
0,862 loben diu herro da pi .
0,863 om-ia sidera celi .
0,864 iohc daz firmamentu- .
0,865 lobe dich herro unte den dinen sun .
0,866 die wrze iohc daz ander chruth .
0,867 loben dich herro gotes truht .
0,868 wante du des schephere pist .
0,869 laudate dn-m in excelsis;
0,870 Nu lobe wir dich auer sa .
0,871 in psalterio & cithara .
0,872 mit salmen iohc mit seitspile .
0,873 diu lobent engel uile .
0,874 ane rovfent si dich sus .
0,875 alle chodent si "sc-s ."
0,876 allez daz uf deme himele ist .
0,877 laudate domnu- de celis .
0,878 Nu loben diu trehtin auer sa .
0,879 rores et pruina .
0,880 regene un- die winte .
0,881 unte elleu apgrunte .
0,882 die puhele iohc die lewen .
0,883 die pache iohc die sewe .
0,884 unte al daz ter ie wart unte iemer ist .
0,885 laudate dn-m in excelsis;
0,886 Disiu dinch sint elliu gordinot .
0,887 so z got selbe gebot .
0,888 deme heiligen geiste z eren .
0,889 daz wir sin lop der mit meren .
0,890 nu lobe wir in mit rehte .
0,891 sine gnade ist manigere slahte .
0,892 uber unsihc menniscen arme .
0,893 uon ime so pir wir warme .
0,894 uon ime so habe wir uarwe .
0,895 uon ime so pir wir marwe .
0,896 uon ime so pir wir grovne .
0,897 uon ime so pir wir chovne
0,898 uon ime so pir wir schovne
0,899 in hute iohc in hare .
0,900 uon ime so pir wir reine .

0,901 in uleisce iouhc in peine .
0,902 uon ime so habe wir den ganc .
0,903 uon ime so habe wir den gedanch .
0,904 uon ime daz wir gehoren .
0,905 sehen unte ruren .
0,906 stinchen unte smechen .
0,907 slauen unte wachen .
0,908 loufen unte springen .
0,909 sagen unte singen .
0,910 liken unte leinen .
0,911 suphten unte weinen
0,912 sizzen unte stanten .
0,913 mit fovzen iouhc mit hanten .
0,914 mit liebe iouhc mit sele .
0,915 so lobe wir den dinen geist trehtin herre .
0,916 Durehc des heiligen geistes minne
0,917 so uant disiu churzlichen wart .
0,918 ein priest der hiez arnolth .
0,920 uon siben allermeiste
0,921 saget er uon deme geiste
0,922 daz er desten mere enovelte .
0,923 suer so die zale peschelte .
0,924 wir lasteren weter unte zit .
0,925 unte allez daz uns got git .
0,926 sin selbes willen wir nicht erchennen .
0,927 sue diche wir in nennen .
0,928 der tieuel heizet sinen hatem .
0,929 die christenheite uerraten .
0,930 iouhc des waren gelauben .
0,931 alle tage perauben .
0,932 manigere govten werche .
0,933 irret er unsihc stariche .
0,934 daz allerheriste urschim .
0,935 so gemarteret wart min trehtin .
0,936 daz heizet er ane scrien .
0,937 die uil tumpen leigen .
0,938 iouhc die mittachen .
0,939 in der osteren wochen .
0,940 si sprechent daz si cru-p si .
0,941 "uenite benedicti ."
0,942 singet man uil gewisse .
0,943 des selben tages ze misse .
0,944 da mit ladete . min trehtin .
0,945 z alleriungist die rehten .
0,946 in sines uater riche .
0,947 da lebent si geistlichen .
0,948 iemer an ente .
0,949 nu heue wir ovf die hente .

0,950 in der waren minne .
0,951 unte pitten daz wir die stimme .
0,952 also suoze movzen horen .
0,953 ze den himelisk choren .
0,954 movze wir geladet sin .
0,955 in iudicio dn-i .